

帝鐘呪

山川百靈聞我須驚浩劫大道照天之精日月永固百魅石神山嶽隨我江河拱迎急急如律令

書符呪

皓首仙翁五嶽大神火鈴帝鐘法通天真天蓬元帥撼動玉宸護鐘神吏鼓鐘將軍濟鐘造化無所不聞萬魔滅迹百川沸騰上聞紫極下及幽冥何神不伏何鬼敢聽千千截首萬萬剪形魔無千犯鬼無妖精一如告命風火無停急急如北極大帝律令

救呪

山川百靈五嶽四溟聞我神鐘萬鬼咸驚浩劫大道照察天精日月永固百神擁護山嶽隨我江河沈去靈官衛鐘天神衛鐘地神衛鐘北帝保鐘天蓬持鐘火鈴直鐘神鐘神鐘

何鬼敢當撼動一聲萬邪滅亡急急如北極大帝律令救

書鐘符存用

凡書鐘符取罡炁化身為元帥嚴駕夔龍領三十六將左右侍衛六丁六甲火雲馳空三十萬兵圍繞念大呪見元帥持火鈴左手結童子印右手推魔印再發三十萬兵圍定鬼門步十二辰罡至鬼門存元帥領兵徧滿世界其變龍口吐火焰吞啗鬼神元帥以左手敲龍角三下其龍大吼鬼皆伏地以元帥訣遣兵圍繞九重然後具事上言却書鐘符取龍口中火急吸入符中蓋之此符大治顛祟生熟妖精起災殃凶魅當存天蓬使者四目老翁執劔部領天兵鬼神無敢當者

護身呪

靈官衛我天魔助我山神送我天蓬佑我北帝保我虎狼避我惡人遠我貴人敬我急急如律令救
道法會元卷之一百五十六

道法會元卷之一百五十七

上清天蓬伏魔大法

神尺秘旨

夫檢精捕非守之合微造尺之法用福地桃木或雷震菓木為之擇甲子日造準淮尺長一尺二寸厚八分闊一寸二分正面三台七星罡星指下書元帥有令賜尺度人隨心所指山嶽摧傾急急如律令背上刊七星隱諱三台北斗星下書元帥有令賜尺度人受持不急與尺同昇急急如律令左側太乙力士右側二十四神雕造畢寫天蓬呪用水調朱填篆以絳紗囊盛早晚誦呪燒香存君掌尺將吏凡有無知下鬼惱亂生人持安面前結五嶽印丁立其邪鬼見皆滅形凡人能思空洞游神淡漠受持不急德業自充不須符水行造呪訣祈禱也但尺之指指山山裂指海海竭久欠護持神功無不利矣此尺驅瘟伏邪天蓬門下常有千兵萬將備衛神尺也
右按元應冊天蓬法尺則長一尺二寸以應一年十二月闊八分取八節厚四分則

四時上羅星斗正職衡之政下曲教字以受事之憑是以四始入靖八節存真歲旦除日思存誦呪請炁潛入靈光玄妙神驗鎮百邪於慾界超形神於上清法旨須用師傳妙道惟在心受無忽無泄敬之慎之

神尺法式

二二一 會集靈炁 元帥及隨從炁持不靈者為靈炁不靈者

靈炁神尺法式 靈炁神尺法式 靈炁神尺法式

師曰欲知神尺靈驗之法當以活龜一枚。陽轉順持呪則生陰轉逆持呪則然也神尺受持年久功行既全隨心所用無不驗矣

太乙元君布神和神呪

三清上境太乙元真布和法炁開化度人鍊。鬼日宮校冕月輪天官總炁地官飛塵千二百靈萬二千神合為仙宅立為真身真身之中七政九宮心光朗耀照立明堂明堂大神和炁心真內清五藏外召六神精神不窮開

化度人老者反壯故者還新飲食六甲三境同寅十二吏兵保衛我身百偏千偏上朝元君元真老君至道獨存保守元命衛我靈根勤叩天鼓和形鍊神齋滿不忘當見神尊策空駕浮昇天驕雲

右誦此呪畢引和炁下流身中孕炁有神方可存心布玉尺祝三光以尺取向萬邪立摧

玉帝救呪

唵吽吽象神稽首群魔歸正敢有拒逆化作微塵急急如律令

右誦呪畢收神尺於聖前存元帥復自頂門入如有急患隨心治事矣

北帝褒詠神尺真言

天清清地靈靈十方世界杳冥冥虛無之中上有元晶包羅萬象總轄萬靈容行造化不測而成開天闢地分其昏明大樑既散萬類乃亨三才定位仁義斯興禮樂繼作姦邪由生五常迷亂四民有爭上不寬恕下不忠貞或魔或鬼或妖或精恣橫荼毒干擾民生

全家疾患骨肉伶仃下絕子孕上絕父兄性命枉逝冤鬼幽冥道然混雜善惡難明北帝慈悲哀憫衆生救下神吏剪截鬼精究枉縱多善可安平天達元帥散迹分形賜名上帝號曰元晶佐天行化顯現威靈玉帝弄行自

天降臨俯育兆庶率令和平大聖天達三十萬兵迴光返明下降天庭巡遊世界捕逐妖精束縛風火收擒不停有惡皆斬無鬼不烹瘟疫之吏束首服膺天得清爽地得平寧人得安養物得開萌邪遣歸正神顯威靈幽都開度冤鬼受生黎民康泰國土清平天達元帥救下神尺賜與良能鎮身護命止約萬靈中有三台上有七星神符四面總轄幽冥隨心所指山嶽摧頌三十六將護尺神兵騰空察命動感三清度人延壽災害安寧斬邪滅毒鬼崇潛形登仙入聖隨尺起昇同符日月道炁長生指邪歸正降濁升清六天鬼賊見則喪傾道無高下與尺隆興登山獸伏入海龍升朝行靈散夜行體輕四圍神將丙壬甲庚興行雲雨震發雷霆何神不伏何鬼不驚

拒尺者滅奉尺者生惡尺者辱敬尺者榮禮尺者壽非尺者憂元帥有令北帝之盟運行造化七政齊并遠吾之令拒吾之盟寸萬萬段永死無生急急如北帝金口律令

北帝持尺神呪

圖光太極尺運神功五行正炁轉運無窮青尺神王混元之宗丹尺神王運景成功白尺神王輔道感通黑尺神王叱雷驅風黃尺神王萬炁收同神尺一揮十極感通保守三元飛行太空滅滅邪魔驅使虎龍邪念永絕速成道功急急如律令

每日用水盂投實印於中上安神尺聖前供養清且取五方炁合呪尺上行之日又靈驗非常吳宮一擊雷電立至

布炁式

外視不瞬內聽不昧氣孕神孕餘可及物冥覺之中默誦神呪

布炁呪

元始太真五靈高尊大帝暗暎洞朗八門五

老告命無幽不聞上御九天中制鄴山下領河海十二水源八威神呪靈策王文召龍負水收炁聚煙束魔送鬼所誅無蠲日月五星北斗七元諸天諸地諸水諸山玉真所部溟泠大神仙王遊宴五帝仗幡天 金虎

後奔鏖天猛獸羅備四門聞呼立至聞召立前赤書煥落風火無間攝錄應驗金龍驛傳急急如上帝律令敕

呪畢望空存清炁浮浮而末鼻引三過吹之凡飛尸走炁治以所視事由布炁之初瞑目凝神使神策及太一經皆攢其真炁以攻之自然立瘥又按八威神策及太一經皆損有餘而補不足者明矣世有掐訣吹噓按摩存紙筆墨皆以炁布之攻偏滯者矣必此人能不要作勞視聽非為則炁專神疑疵癘冰釋飛尸走炁不可容也

誦呪請炁訣

凡持誦先存神西北平坐閉目存離卦在心坎卦在腎震卦在肝兌卦在肺巽卦在

膽乾卦在頭坤卦在足艮卦在膀胱八卦具存卦中有鼎鼎中有炁炁中有神光明煥赫叩齒九通嚙液九過誦淨天地普掃呪次念天蓬安神呪

天蓬安神心呪

帝鬱繼玉明 帝元育齊京 太黃與大明 定光育九昌 醜音夷妙辯 理禁宛無延 括真閔巴狂 開真共定光 梵行大擇法 常融育醜英 天蓬大聖力 普掃諸不祥 開目山河竭 回光天地明 日月兩目睛 乾元亨利貞 急急如律令

次誦天蓬心呪畢以鼻吸炁九嚙與八卦大神之炁混合為一出已天門炁去頂二寸化為九星覆頭光明煥赫叩齒三十六通次誦天蓬呪畢念唵煞煞摩臨次念火鈴呪畢存九星化為一炁如日之象下入玉池分為九嚙叩齒九通存入黃庭色同紫金事畢凝靜

玄歌

太靈玄歌上樂之虛抱玄入妙游冥泰虞心

無其心形與神俱九真超絕六合全區三光
洞煥八景雲輿蓋廣寒庭飛神洞毫宅羽
車駕天衢玄歌贊神尺超悟即飛昇咸乘微
妙力

夫玄歌皆元應之妙道苟非物外之士心
遊太漠不可及此行之當使心無其心湛
然清淨寂然無為始可為擬議矣昔嗣師
真人得此即飛昇得之者可傳同志又名
北帝襲尺呪


祭神尺訣

取慶會吉日良時備香燈時果素食茶湯
七分五絲安鎮五方焚香上啓祝云
具位姓某謹焚香再拜啓告
天蓬都元帥真君嗣師大仙董真人護尺
神王天力士功曹仙吏一切威靈某宿
忝微緣受持神尺慮香火不精修行有怠
今遇良辰吉日看誦經呪聊備菲儀志心
拜獻伏惟聖造俯賜鑒觀所願受法救民
隨心利物凡諸罪業願乞赦除即使某九
祖七玄咸令超度俾今見世悉賴洪恩一

切有情同登道岸

祭說收尺入降妙囊每日行持運蒸護之

召護尺神王符



敕符呪

紫庭護尺神敕下水火輪口中噴火焰噴吼
震雷音黑雲蔽日月兩手握乾坤赫赫大威
力隨願速降臨急急如律令

面東誦天蓬呪七七徧四句一啣齒再念
紫庭護尺呪北炁吹尺存神王長千丈口
眼出火赤髮青面手持尺來入神尺中
行持神尺訣

師每日朝真畢於神將前持尺先置於九
天寶印水盂之上掐九天寶印訣東向或
立或坐存思日月煥於六合之府九晨臨
於帝席光明發於頂後赫然作九色圓像
內外洞明翁冥一室四獸侍立次叩齒九

通嚙液九過澄心靜念拍本帥訣想元帥

在紫霧中真像如前威容震怒兩眉之間
降玄色之炁纏絡我身并尺以鼻引嚙之
九吸三嚙灌慨三田之中內外洞明六丁
六甲左右侍立大仙護尺神王并三十六

將立元帥左右

次召

五方護尺神王 誦真索呪

初持尺以符牒召之後不用符只念持尺
呪召之存至左右持尺呪

凡誦北帝持尺呪畢存九靈妙炁青玉之
輝九芒入尺又呪云

曜道枝正會條

誦三徧存九靈威耀之炁九芒赤色如金
絲下臨引入尺掐卯訣主之又呪云

將軍梁高壽爽

誦三徧存結璘之精十芒下臨引入尺掐
酉訣主之又呪云

魁魁魁魁魁魁使萬靈總繫攝

誦三徧剔戌辰斗存北斗玄黃之炁入尺

次誦天蓬呪逆順救之想神尺光明萬道
赫奕天地五方神王天丁力士二十四神
森然侍衛一切萬魔真敢前衝

神尺行持訣

祝香步斗入意存自己腎中黑炁騰騰蕩
蕩上至頭上忽結成一入乃玄元帝君也
寶耀花冠披離羅之帔飛鳳羽裙瑤珠
璣之履執碧珪童子持七寶之匣雲錦之
素流精花珮瓊鳳香鑪玄龍神虎之劍飛
雲鳳炁光明玉几麟尾拂左右侍真玉女
各百人垂十絕之幡師仰首一見尋顏眼
光變像成玄元色掐天蓬訣急脚步斗畢
再擡首仰視金容紫霧中見金眉真人天
蓬元帥三匝六臂執七星劍金鐸戟弓箭
六和索身長五十丈披金甲若龍鱗身在
神谷赫赫萬里叱咤震怒頃刻左右神兵
玉童玉女三十萬人皆黑紫冠乘太
玄赫炁叩齒三十六通鳴天鼓二十四下
然後轉身面北誦天蓬呪天童經各一遍
再誦呪曰

神人神人五臟先生存神體骨養我華精天
蓬天蓬扶衛我形精神所在神光所存所願
者得所向者亨急急如律

次用上帝訣然鬼符再誦上帝違天蓬呪
以符夾一吹稟救奉行存威震天地日月

每日神將前行持託左手掐天蓬訣當宵
右手持尺存元帥降在空中董大仙左右
邊日月分輝交映元帥兩眉之間布降玄
色之炁纏絡我身左鼻引此真炁嚙之法
五藏六腑百關之中五彩洞耀內外洞明
六甲六丁立于左右次法靖內或立或坐
左手都監訣右手持尺叩齒七通誦天蓬
呪呪尺不可出聲存見祖師乘雲回闕神
將駐劄法院出靖閉戶不得反顧每日誦
天蓬呪天童經視奉將吏

朝修運用燒香訣

奉持此法之士朝夕卯酉二時入靖焚修
朝禮三清四帝北極元帥大仙須先整法
服冠履次念淨三業呪
淨口業呪

北帝神君吐炁成雲臣今淨口持念真文順
道者生逆道者死急急如律令吸北炁嚙之

淨身業呪

天蓬大將北帝神君巡遊世界普濟人民誅
斃斬鬼滅影除形有何鬼魅輒敢張鱗太上
靈寶為臣淨身急急如律令吸東炁吹身

淨心業呪

天蓬天蓬持劔當宵奉承北帝有大神功臣
今淨心勿使穢衝急急如律令吸東炁嚙之閉口寧息叩齒九通

清旦存四靈神獸侍衛左右叩齒三通於
靖戶外入蓋入巽而登乾也瞑目思日月
分輝夾映左右左顧招鬱儀以收日精右
盼携結璘以召月華停輪六合空後紫光
轉燭洞映一身次念太陽鍊身呪

太陽鍊身呪

太清靈神化度鬱青朝霞藏輝耀鍊五形宮
駕六合七神調平死結解散胎根肅清元始
上真雙景二玄右拘七鬼左拘三鬼合我神
明與形常存

右誦畢次誦入戶呪

早入靖戶呪

四明功曹通真使者傳言金童侍靖玉女為
臣通達道室正神上元生炁統入臣身今臣
所啓皆得上聞

晚入靖戶呪

四明功曹龍虎使者正一生炁侍靖素女夜
有啓請願得開明童子上玄少女為臣俱入
黃房之中速達所啓咸得上聞

誦畢面聖進步烈火豐香三上香再拜跪
奏畢三禮退身念出戶呪移左足出門不
得反顧如持尺未可念出戶呪出戶入戶
念呪並如正一旨要

夜鍊身呪

北星玄真魄靈帝君流輝內映扶衛斗魂三
台耀華七躔液津金璫虎鍊備衛生門使我
神靈躡輪紫庭

天蓬鍊身行持

取五月五日及每月五日十五日二十五
日於西面東坐定叩齒三十六通將目閉

二十四次存兩目有兩道光芒如大將身
一焚都盡只有一炁團圓次見前炁團如
圓鏡其光變作我形吞入口中嚙之閉目
澄神誦天蓬呪天童經三卷布東方金光
起滿長空光中忽見祖師元帥領神兵萬
萬將口一吸吞下五藏九竅百孔閉息漸
漸通炁候定久方出靖切忌人衝之

早出神存變訣

出肝府青炁一道清瑩光明自口而出存
之如真使耳聞其炁有琅琅之音然後思
此炁徧於吾身化為元帥次誦啓請呪隨
心禱祝

晚出神存變訣

存天中九道青炁從東方直降我目前清
瑩分明使耳聞其炁有鐘鼓琅琅之音以
鼻引入身中與肝炁相接次見炁中有雲
有元帥儼然在前端坐于正中部領神王
如清旦之儀啓祝而退久久不急施用神
妙不可具述

變神訣

吾頭戴天圓足履地方冠帶九炁結為衣裳
日為圓像月為夜光身披北斗六甲九章左
據河魁右倚天罡能伏諸惡消殄不祥急炁
如北斗律令敕

祝曰

命神元吉真宰致靈臣今所啓願得上聞急
急如律令

祝畢先右足入戶令形神應機至香案前
心拜四過焚香祝曰

祥煙散景瑞炁騰空一炁宗神善同供養侍
香典者丹禱敷傳

啓事畢思存玉女真形香霞貫體心拜而
退凡至靖戶祝曰

召陽呼陰黃宮肅穆禮周事畢素女備生
按玉經註及雙景翼形云左顧鬱儀以致

日精右盼結璘則拾月神兩眉角後小空
虛曰六合府明堂正入二寸曰金華宮靖
戶則道室之門亦巽也朝真之妙法入巽
而登乾十方則身中上下四維九色則九
天之正炁也夫人之生稟九天之炁假合

以成形得生之後當存九天之炁解三部中二十四結所以令人孔竅開通凡無礙上通九天九炁相應均為一體然後可以致真名靈夫證幽入微各有梯級焚修為之首耳蓋以世人血穢玄積胎結結解

三田未德非香誠薦福無以格于高穹也
叩齒誦呪曰

泥丸洞明景誦我識魔音玄祖度八難躬身紫微庭七液回路三光映真

午時北向平坐內視四神存日月五星四

曜下洞房中光輝燦燦蔚然貫體於帝席
叩齒七通嚙津七過呪曰

九皇太精北極帝君益臣胎精強臣三魂左拘日華右制月精晨中黃景玄靈上真神虎玉符備守生門萬邪伏匿受鍊斗君

右叩齒三十六通誦天蓬呪畢復存三光之炁歷玉池之淵透入靈府化一真人如嬰兒狀以左手心撫心念兩字呪曰造物造物一炁七徧而止叩齒七通退按伏魔上經九真秘法右燁三先於帝宅一曰泥

九四神於玉房玉池者則玄廣生死之舉又曰元應之考靈府者則絳宮之丹臺三光日月斗極之序四神則無英白元玄冥守靈也夫斬鬼之司紫微之所實誦之邪魔殄滅須要冕鍊薶凝五帝降室三元護形神將仙兵悉來列衛魔精喪眼稽首唱恭然則衆妙之階可立升矣苟或輕泄則三世獲罪殃及兆身慎而戒之

天蓬大呪

天蓬天蓬九元煞童五丁都司高刁北翁七政八靈太上皓兒長顯巨獸手把帝鍾素乘三神嚴駕靈龍威劍神王斬邪滅蹤紫炁乘天丹霞赫衝吞魔食鬼橫身飲風蒼舌綠齒四目老翁天丁力士威南禦兇天驕激辰威北銜鋒三十萬兵衛我九重辟尸千里驅却不祥敢有小鬼欲來見狀鑣天大斧斬鬼五刑炎帝裂血北斗然骨四明破骸天猷滅類神力一下萬鬼自靖急急如九天尚父靈魁宗師含元太虛天蓬都元帥真君律令

大火鈴呪

數諸符水用
吾是北帝大臣名書玉清上統六天下勤幽冥北帝鬼官悉是我管我之所部何鬼致生在佩豁落右帶火鈴擲火萬里威制千靈有犯者律有千者刑帝君有令收捕無得天罡駭動羣魔束形鬼妖滅種我得長生急急如上帝律令敕

誦畢存九星化為一炁如日之象下入玉池分為九嚙叩齒九通存入黃庭宮如紫金色

呪水行持訣

擇吉辰取水以淨器盛之入朱砂乳香少許次布斗罡執水瞑目叩齒三通念呪曰太上神符太上神水神水散洒萬穢滅亡自知非真莫當吾真神水樂處邪穢俱除急急如律令
必啓請元帥三上香三禮存身入斗中拍元帥訣叩齒瞑目誦呪一遍吹在水盂謹請天罡大聖願降水中謹請九元煞重神將九人入吾水中五丁都司七政八靈素

泉三神吞魔食鬼橫身飲風大將並降真
悉入于水中十二月將入吾水中左手剔
子午斗入水存火雲紫炁勃勃存元帥將
兵降悉入水呪曰

青龍吉慶白虎衛形朱雀顧護玄武攝精七
液流注五藏化生吾教神水元亨利貞急急
如律令敕

再取罡炁一口入水再推雷局剔訣存霹
靂入水以玉帝訣封之仍念名呪就大仙
前供養施與人

呪藥訣

左右手斗印丁罡左手心藏藥右手斗印
指之面東叩齒存元帥念天蓬救斬鬼攝
取青炁吹再取罡炁三口布藥上念含元
太虛天蓬救存元帥領青水黑水將吏吸
黑炁入藥次念魁魁魁魁魁魁面北存
七元星像念七徧取炁七口吹入藥中與
患者服如欲報應留符縛衣帶中藥一枚
置患人頭邊至夜自有報應次日早以金
錢同藥核當門焚之

行持次序

凡行持符水未應則再加變熏符亦換易
此乃坐壇行持如赴請先就法院牒將收
捕下邪下遠單方出門一路存將吏隨行
其捧印執劔隨從之人並存為將吏至患
家近下近單飛斗入其屋中坐定不要相
見竟行事飛罡召將僅牒存捉或考召則
討童子附體如考附單即於患人床下立
火獄先辦灰三四升細篩臨立獄時念救
灰呪方鋪床下中間以鏡平之令無瑕迹
用黑蠶麻油滿盞以稟盛安在灰心次
以紙摺符三道一煎鬼二四火三南斗符
作三摺三向安寅午戌向凡火獄符但以
煎鬼錄符為祖餘皆可變易用次法官變
神召將即以別紙摺點燈執在手中行持
存南方三昧真火降炁合此燈光天地四
維盡皆通赤以左手彈已午未訣隨下點
着紙摺符飛斗一座復存四維有城良上
有獄門其內有絳橋一座自獄門接至外
內外各有仙童玉女攜幢寶蓋羅列左右

次焚追鬼符一道按日使一朱一墨召追
鬼將趙公明將軍至如符使杖紅抹額須
吏追至押入獄自橋而度便下鎖訣閉門
存四維城上銅狗鐵蛇各吐火光萬丈逆
下火單單之誦大威德呪即陳白詞意指
揮勘考罪尤吹捩煞文右執棍杖或尺就
獄前敲三下云天官捉神地官捉鬼水官
捉精急急再召火獄中官將并南方火鈴
將軍宋無忌炬火嚴炬火形炬火精炬火
炎四負追鬼將趙公明火獄中一行官將
即閉目存至并三十六將諸司將兵應借
到城隍東嶽兵馬並皆羅列前後即叩齒
誦天蓬呪一句一吟當隨意多少次祝將
吏守護獄門毋令散漫遂救病人房方退
至房門以山字訣雙手下存山塞其門轉
身以脚踏其門外噴水即退次日看報應
如何其夜並不令人在房喧鬧令病者及
直病者着衣靜睡不許開看外人往來燈
滅亦不再點自有報應如聞臭氣自有驗
法敲擊病人狂燥火有輪光皆報應也如

痛滅却自去驗獄法師自外以斗蓋首進入房內召諸司官將火獄吏兵卒圍監守罪人再飛斗單方以別燈照獄驗灰看有何跡或欲罷即牒神將押赴所屬交管仍守待患人平安別聽指揮燒牒了以及棄長流水中即以水淨之誦淨天地神呪罷獄呪却以符水次第服之如病勢牽延報應未顯則再帖神將重如火獄却添黑盞兩筒添成三盞以前三符分作九燃亦按寅午戌安之如三台狀或人家無力止以元盞一箇添油書九道分作三向點法用若先添召覆勸功曹符追鬼符指揮如前法如病愈不必更獄如或未安又當申奏就於患人房前或他處建立都獄謂之陰陽攝勸又謂之覆勸次日驗獄依前法如灰跡不同必是收捕未盡火獄透漏又當於大獄內再牒將或變五盞按五方或以一盞五撫五向或變為七星懸指良戶以灰安斗內作獄亦可或病未退又於外獄催捕看事如何行用

驗悉訣

毛臭山魃怪 血腥瘞鬼勞死鬼
血臭傷亡 魚臭水怪
肥膩臭伏屍 石臭家先
燒肉臭家先同五通木神
乳臭丑鬼 魚腥東府先亡外觀
焦臭古墓家先 硫黃臭竈神惡祟
油膩臭奴婢自魃鬼
青草氣上神不安野外山魃魃魅
燒骨臭肉鬼神願呪詛又先亡宅神
土氣動土竈神奏天難安
酒氣傷寒橫死傷亡孤鬼
猪糞氣家親宅神同為禍
糞缸臭氣家先引外鬼為祟

驗跡訣

兇猛鬼神見本相陰沈鬼見跡或本命上有
人跡追鬼使者急辨後事罷獄
似人跡或大或小五通若獨一足亦是五通
人跡竈大木下鬼 人跡細者木客
人跡大者猛烈山神 雙脚者緋紫之神

有靴鞋者陰中主者 掌跡小者傷亡鬼
掌跡大者遠年伏屍之鬼
似小指大兩頭一較大小塚墓瘞鬼
小者山林陂塘池泥觸犯之鬼
驛馬龜蛇形乃泥神古佛土地壇席之鬼

如牛尾跡五箇神 貓鼠跡山精
貓跡大者盡毒精怪木下之鬼
如人足者天邪 如鼠跡小者山魃
犬跡前尖後方者木神與傷亡鬼
犬跡尖者木神 圓小尖者水神
前圓後尖者宅兆神 方者宅神土地
交橫者社神 小者飛禽野怪
雞跡者客亡及女鬼 鵝鴨跡帶血傷亡鬼
點點相對或如鴉犬貓鼠雜亂之類傳屍
勞瘵瘞尸瘞鬼 足足相疊者伏屍

如蛇行及圓橫相問枉死鬼
大小似捧頭點者壇席瘞鬼
三點相並兩兩行者客死鬼
如窟穴者呪詛鬼 窟穴小者土神
如蚯蚓長本處土地 蚯蚓短者外來飛廉

蚯蚓龐大古木精靈 大小如桃花者伏屍
如刀挑起小跡多者本家起土造作觸犯
禁忌之神

凡北斗本命燈不動平安之驗
三台燈中台安靜不動吉

判投狀訣

焚香左手都天大法主印叉腰面北祝曰
杳杳冥冥天地同生聞時即至有感通靈天
蓬元帥驅鬼滅形神札一下萬鬼肅清即取
天罡炁吹筆食日子押字次批狀內云

北帝有令人鬼分形敢有拒逆四明斬形連
去連去不得留傳用元帥印印之令來人將
去患家竈中燒之金錢一分同化如意祝之
若是兇惡邪祟用嚴駕愛龍符念天蓬咒書
符在狀內仍劄付司命六神搜捉邪祟押赴
所屬治罪將於患人床前燒之立有報應

道法會元卷之一百五十七

道法會元卷之一百五十八

京三

書符法式

師先誦淨三業咒默奏

相師畢烈火豐香叩齒七通存北斗從洞

房出覆身罡指前次存五方五帝將軍各

如方色青帝將軍從肝中自左眼出赤帝

將軍從心自口出白帝將軍從肺自鼻出

黑帝將軍從腎自耳出黃帝將軍從脾自

頂門出列于左右五獸如之前後左右神

兵萬萬法錄靈官將吏自毛竅出森衛四

傍次誦天蓬咒至萬鬼自潰急急如律令

彈訣訖右手執墨左手紫微印對心存身

為元帥研墨左四十九轉念天蓬咒右轉

十二時辰二十八宿十二月將七星名取

敕紙咒

陰陽結成無穢無濁傳奏章符百靈所諾準

上帝律令敕

咒畢取東炁一口吹紙上存為五色鐵板

敕硯咒

四天開明天地為常三炁神光辟除不祥書
符殺鬼伏為魁罡雙星守鎮七靈通光邪鬼
懾伏萬炁混康急急如律令

咒畢取東炁一口呵硯

敕墨咒

神墨靈靈六甲六丁五老真炁北方化生玄
元道炁誅斬妖精人神清靜鬼妖斷形行符
遺牒奉命敬行急急如律令敕

敕筆咒

神筆靈靈仰望三清吾筆書符鬼懼神驚一
指天開二指地裂三指人長生四指萬鬼滅
吾奉 天蓬元帥律令

敕朱硯咒

陽精耀靈陰鬼當表神朱赫赫光露大微七
炁成斗三炁成台百邪皆滅萬鬼伏摧急急
如律令敕

咒畢取南炁呵入存為火池

敕朱筆咒

神筆最靈天蓬與我大仙衛形辟除惡鬼使